

Bancolotto

Nun è oro stammatina
Nun è argiento 'sta nuttata
Tire annanze tutte 'e juorne
Triste allero o abbelenato

Mò 'na figlia se marita
Mò t'aumentano 'o pesone
Si 'e denare nun ce stanno
Hé à truvà 'na soluzione

E allora 20 è 'a festa
E 'a sposa è 63
31 'o patrone 'e casa
Fosse ca mò tocca a me

E allora...

Pe' 'sta vita scarpesata
Scummigliata, scuncecata
Dduje nummere stanotte
'na speranza 'o bancolotto

Pe' 'sta vita...

Oggi 'a ggente, ambo o terno
joca tanto pe' sbarià
ma pe' chi se lotta 'a vita
serve overo pe' campà

Quanno 'o stato nun t'aiuta
Pe' nu guaio ca é passato
Quanno tiene dduje creaturi
E già n'ato n'è arrivato
Quaccheduno vene 'nzuonno
E te dice comme è à fà
Sonco ll'aneme 'o Priatorio
Sulo lloro può aspettà